



UNIVERSITÄTS-
BIBLIOTHEK
PADERBORN

**De Vita Et Rebus Gestis Christophori Bernardi Episcopi Et
Principis Monasteriensis Decas**

Alpen, Johann von

Coesfeldiae, 1694

21. Monasterienses constitunt Hagæ-Comitis Plenipotentiarium.

[urn:nbn:de:hbz:466:1-68495](https://nbn-resolving.org/urn:nbn:de:hbz:466:1-68495)

1659.

434 CHRISTOPH. BERNARD.

fit Tyrannus. Nihil horum patrocinari Civibus, cum subditis in Imperio, si Dominantium injuriâ graventur, integrum sit beneficium ad Cæsarem provocandi. Jus verò defensionis ac tutelæ Civitatis Monasteriensis adversus omniâ vim soli Principi competere, qui cum propulsare eam velit ac possit, nullam agnoscat externæ opis necessitatem.

21.

Monasterienses constituunt Hagæ-Comitis Plenipotentiarium.

Istis verò rationibus haud ita moti sunt Monasterienses, ut non identidem propterea Hollandiam cogitarent. Vix enim Drachterus Viennâ redierat infectâ re, posthabitâ nuperâ Cæsaris prohibitione, sponsâque obsequelâ, Leonem ab Airzema Hagæ-Comitis Patronum secretò instruunt, & has ei mittunt potestatis litteras. Nos Consules ac Senatores Civitatis & Republicæ Monasteriensis partium Westphaliæ vigore præsentium notum facimus. Quandoquidem pro iustâ, legitimâq; Jurium ac privilegiorum Civitatis Nostræ defensione & conservatione cum Præpotentibus Ordinibus Generalibus Unitarum Belgii Provinciarum tractare, eumq; in finem certa persona, cum auctoritate & plenipotentii negotium dirigendum & peragendum committere, necessum duximus, proindeq; in prudentia, experientia, fide & zelo Nobilis & Clarissimi Domini ab Airz-

1659.

Aitzema in obsequium dictæ Civitatis Nostræ confidentes, damus illi absolutam potestatem & auctoritatem, nec non generale & speciale mandatum, ut nomine & ex parte Nostræ in qualitate Plenipotentiarij hujus Civitatis Nostræ, coram supradictis Præpotentibus Statibus & Collegio Dominorum Ordinum Generalium in Haga-Comitis compareat, proponat, agat & negotietur; Promittimusque bonâ fide præsentium vigore, sub obligatione personarum nostrarum & Successorum, in generali & particulari, Nos pro bono, firmo & rato habituros, omne quod per bene-memoratum Dominum ab Aitzema agatur, convenietur & concludetur, ratificaturos, observaturos, atque ut observetur, curaturos absque ulla unquam præstatione in contrarium; neque permissuros ut fiat, quocumque modo, directè vel indirectè. In cujus rei testimonium præsentibus jussimus expediri, sigillo nostro consueto muniri, perque Secretarium nostrum signari. Monasterij Westphaliæ 19. Junij 1659.

Bernardus Hollandt Secretarius.

Mox igitur Aitzema Confœderatos Belgij Proceres supplicat, in quingentorum militum dimissionem consentiant, qui imminente quovis periculo vicinis è præsidio præsidii

1659.
militem
Bata-
vum.

præsidiis promptè Monasterium festinent, & ibidem sacramento tantisper Ordinum soluti, novòque Civibus dicto, stipendia mereantur. Interesse enim Reip. hujus, ut ita libertatem & jura Civitatis Monasteriensis tueantur.

22.
Interim
contra
Civita-
tem.

At verò dum Batavi responsum cunctantur, Legati Principis Viennæ rem strenuè agunt, & decisâ tandem lite è Tribunali Aulæ Imperialis prodit sententia, quam mutato solum idiomate iisdem propè verbis hic pono.

Prodit
Senten-
tiaCesa-
rea.

In causâ inter Consules, Senatoresque Civitatis Monasteriensis & Principem suum Dominum Christophorum Bernardum Episcopum Monasteriensem controversâ, exhibita pro parte Civitatis positiones ac probationes tanquam irrelevantes admissa non sunt, & propter hanc, aliâsque rationes petita commissio denegata est, atque ita causa ex officio pro conclusa acceptata, & allegatis omnibus benè ponderatis iudicatum, Consules & Senatores, adductum in actis ius præsidi, unâ cum iure clavium, portarum, vallorum, murorum & Symboli seu tessera militaris in Civitate Monasteriensi non probâsse, sed Domini Episcopi ceu Principis & legitimi superioris sui præsidium militare, quoties Celsitudini suæ necessum visum fuerit,